

Prot. N. 499/20/1

BEATISSIME PATER,


Em.mus ac Rev.mus P. D.nus Ioannes Claudius, Tit. S. Ioannis Chrysostomi a Monte Sacro Alto, Presb. Card. Höllerich, Archiepiscopus Luxemburgensis, suas libenter faciens supplices litteras Rev. Parochi Romani Tyczynski, O.M.I., et Rev. Vicarii Danielis Jezak, O.M.I., Paroeciae Sanctae Mariae, plenariam implorat Indulgentiam pro sodalibus Consociationis a Rosario Viventi aliisque piis fidelibus qui, vere paenitentes atque caritate compulsi, sese sacramentali Confessione purificantes, et Ss.ma Eucharistia reficientes, preces demum ad mentem Summi Pontificis pie fundentes, die 11 Iulii, in festo B. Mariae Virginis Kodenensis, ecclesiam Sancti Henrici in forma peregrinationis inviserint et ibi spiritalibus inceptis in honorem N. D.nae Kodenensis devote interfuerint vel saltem per congruum temporis spatium pro fidelitate ad christianam vocationem, pro sacerdotalibus ac religiosis impetrandis vocationibus et pro defendendo humanae familiae instituto, humiles Deo effuderint preces, concludendas Oratione Dominica, Symbolo Fidei et invocationibus B. Mariae Virginis. Et Deus, etc.


Die XXIV Iunii MMXX

PAENITENTIARIA APOSTOLICA, de mandato Ss.mi Dominis Nostri Francisci Pp., libenter annuit pro gratia iuxta preces.

Sodalibus Consociationis a Rosario Viventi, si senectute, morbo vel gravi alia causa impediti fuerint, die 11 Iulii pariter plenariam consequi valebunt Indulgentiam dummodo, concepta detestatione cuiusque peccati et intentione praestandi, ubi primum licuerit, tres consuetas condiciones, coram aliqua parva imagine caelestis Patronae, marianae celebrationi se spiritaliter adiunxerint, precibus ac doloribus suis, vel incommodis propriae vitae, misericordie Deo per Mariam fiducialiter oblati.

Quo igitur accessus, ad divinam veniam per Ecclesiae claves consequendam, facilius pro pastoralis caritate evadat, haec Apostolica Paenitentia enixe rogat ut Parochus et Vicarius Sanctae Mariae Paroeciae pro hac occasione generoso animo celebrationi Paenitentiae sese praebeant ac S. Communionem infirmis ministrent. Praesenti ad septennium valituro. Contrariis quibuslibet non obstantibus.


MAURUS Card. PIACENZA
Paenitentiarius Maior


CHRISTOPHORUS NYKIEL
Regens